



石野陳桶惟宜較勘刊行



人之稟賦也蓋天之日

陽而日不虧稟月之陰

而血常不足矣故

僅及三十餘年

出而特論之

生天地間營營

坐傷賢又視

易虧之驗而

以立論重
則補氣血虛
以的屬陰虛丹溪
不足補血藥多
味此多以陰常
功
故雖然丹溪謂氣病補
血愈虛散是謂誅罰無
以將以成人用藥寧可失于
兩陰而柔氣藥屬陽而剛苟
可過于剛烈也書曰罪疑

功疑惟重本草曰與其害

相合也雖然血虛補氣

害吾見虛氣弱不能

初涼血之藥反致胸腹痞悶

血去死不遠豈可謂無害耶是

或又曰人稟天之陽為身之阻

何方書尚有補陽之說予曰陽者

固無待于補而營之氣亦謂之

不補則氣愈虛怯矣經曰怯者着而

日用之間不免勞則氣耗悲則氣消

上思則氣結喜則氣緩凡此數傷皆傷

也寧善與其多也寧少之

為有害氣虛補血亦不可

行血越上竅者多用四物

食少進上吐下瀉氣喘嘔

醫者貴乎識病真耳

有餘無待于補

者指衛氣也衛氣

或虛或盈虛而

病是也况人于

氣下怒則氣

也以有涯之

氣而日犯此數傷欲其不虛難矣虛而不補氣何由行
或問丹溪曰人身之虛皆陰虛也若果為虛則暴絕死
矣是陽無益於補也又曰氣無補法俗之言也氣虛
不補何由而行是氣又待于補口之皆戾耶子曰
經云衛氣者水谷之悍氣也慄疾受諸邪此則陽常
有餘無益于補者也朱子曰天又曰不健行不息故閣
得地在中間一息或停地即天與丹溪所謂陽虛則
暴絕同一意也此固然矣陰氣若虛則陽亦無所依
附而飛越矣故曰天依形地也附氣丹溪曰陰先虛而陽
暴絕是知陽亦賴陰而有所依附也此丹溪所以拳拳
于補陰也經曰營氣者水谷之精氣入于脉内與息數

呼吸應此即所謂陰氣不能無盈虛也不能不待于補
也分而言之衛氣為陽營氣為陰合而言之營陰而不
稟衛之陽莫能營晝夜利開節矣古人於營字下加一
氣字可見衛固陽也營亦也故曰血之與氣異名而
同類補陽者補營之陽補陰補營之陰又况各經分
受有氣多血少者有血多氣少有結為邪所中而無
損益則藏府不平矣此內經所以而醫道所以興也
譬如天之日月皆在大氣之中而日為陽月為
陰合而言之月雖陰而不稟日之陽不能光照而運
行矣故古人於陰字下加一氣字可見陽固此氣陰亦
此氣也故曰陰中有陽陽中有陰陰陽同一氣也周子

曰陰陽一太極是也然此氣有虧有盈如月有員有缺也聖人裁成輔相即醫家用藥損益之義也是知人參黃芪補氣亦補營之氣補營之氣即補營也補營即補陰也可見人身之虛皆陰虛也經曰陰不足者補之以味參芪味甘甘能生血非補陰而何又曰陽不足者溫之以氣參芪氣溫又能補陽故仲景曰氣虛血弱以人參補之可見參芪不惟補陽而亦補陰東垣曰血脫益氣仲景曰陽生陰長義本此世謂參芪補陽不補陰特未之考耳予謂天之陽氣包括宇宙之外即易所謂天行健內經所謂大氣舉之者是也此氣如何得虛虛則不能畜住地矣天之陰聚而成形者形者乃地之坤

也故曰天依形地附氣可見人身之衛即天之乾人身之形即地之坤營運于藏腑之內者營氣也即天地中發生之氣也故以氣質言衛氣爲陽形質爲陰以內外言衛氣護衛于外爲陽營氣營養于內爲陰細而分之營中亦自有陰陽焉所謂一陰一陽互爲其根者是也若執以營爲衛配而以營爲純陰則孤陰不長安得營養于藏腑耶經曰營爲血而血即水朱子曰水質陰而性本陽可見營非純陰矣况氣者水之母且天地間物有質者不能無虧盈既有質而虧盈血中之氣亦不免而虧盈矣故丹溪以補陰爲主固爲補營東垣以補氣爲主亦補營也以營兼血氣而然也

答提李黃公如金所患書

生樸嫩小材山林迂士其于岐黃之書盧扁之術僅惟得其糠粃而已升堂入室誠有所未能也茲蒙召置左右以脩顧問夙夜祗懼惟恐弗堪雖然一得之愚不敢不盡是以忘其固陋謹述以聞古人所謂藹藹之言狂夫之語庶幾或有可采者也伏惟天寬地容海涵春育人不求脩才不求全片言有取寸長必錄又且不作聰明不大大声色靡恃其長毋執其見舍己從人不知有彼此之別使各得以紓其情也用上敬下相忘于勢利之場俾皆得以盡其辭也是知所言或謬殆必視如道傍苦李嚼而去之而已必不索我于形骸之外以言而見責焉然生侍側有日聆誨

已久因而察其受病之源詳其致病之因不過心過于勞而已何則心爲血主而血又所以養心血屬陰而主靜惟靜則可以生水故曰靜則生陰是也苟或心過于勞則主動而屬陽矣陽則火之象也故曰動則生陽丹溪亦曰諸動屬火動極火熾陽亢陰微血愈虧損而心失所養矣是以睡卧不寧夜夢紛紜職皆由于此也經云主閉藏者腎也腎主相火上係于心心既動勞則相火隨起而熱則流通矣是以閉藏之腎反暗流踈瀉而夢遺精滑之疾有所不能免矣望書所謂情動于中精淫于外是也經云東方實西方虛心勞火動則西方之金愈虛而東方之木愈實脾土得不爲之傷乎脾土既傷是以上或爲嘔下或爲

瀉中或畏食之病莫不層出而疊見矣由是探本索元其
初固在于心而支流餘裔不免延及他藏而亦有所損也
又嘗參之以脉夫左寸心脉所出也或時而浮洪或時而
歛小盖由心之勞逸不常以致脉之大小無定勞則心動
而火熾故脉爲之浮洪而躁擾逸則心安而氣和故脉爲
之歛小而恬靜所可喜者肝腎二部脉靜而有常久而不
變是知相火雖或有時而動而勢未至于燎原也故今病
未即瘳而終有可瘳之理邪未即伏而終有可伏之機尚
復何慮之有右手三部肺脾命脉之所出也亦或浮而稍
洪又或小而稍弱良由火來侮肺又乘于脾遂延及命門
以致然耳故曰火性躁擾強越其燔灼之禍無不着于物

也或病小而精弱者蓋府藏之陰血陽氣未免爲火暗傷
而陰損故火旺之時脉來浮洪而獨見火象及火靜之後
則邪伏而虛見矣脉之小而弱者寧不基于此乎或曰血
爲火銷吾固聞其說矣而氣當賴之以爲助何謂亦傷其
陽乎經曰少火生氣壯火食氣夫少火固可以生氣而壯
火火之旺甚也安得不食其氣而損之乎又曰熱傷氣故
暑月多致人無氣以動怠惰嗜卧可見火之傷氣不待辨
而明矣又何疑之有哉生于是察其脉切其病反復精思
參互考証其所治之方無出于八物湯之外也或者專主
四物滋陰加黃柏知母玄參生地之屬以降火此固一說
也未免寒傷胃氣而拒瀉畏食之病莫能去矣或者專主

四君子以養陽加溫煖消道燥熱之劑以助胃此亦一理也未免陽剛傷陰而夜夢遺精之患不能除矣求其萬舉萬全而無一徧之害者還當以八物為主一則可以養陰而心火不至于太熾一則可以養陽而脾土不至于太傷其他清金降火安神固腎之藥又當因其時月之宜酌其病之輕重更相出入迤爲佐使庶得變通之妙而免執中無權之誚矣守此以治而謂病之不痊吾未之信也抑猶有說焉夫人生氣交之中孰能無欲所謂欲者非特色欲之欲几耳之于声目之于色鼻之于臭口之于味皆所謂欲也周子曰欲動則情熾熾從火則火之熾可知矣丹溪所謂諸動屬火其原蓋出于此歟故聖賢教人不欲窒慾

則曰寡欲此善治乎火也不此是務而惟日以百憂感其心萬事勞其形惟恃刀圭之劑以求旦夕之功是謂舍本而逐末徇外以遺內也豈自根自本之論哉今之所患誠能內觀以養神存心以養性則水可升火可降坎離交而地天泰矣又何待于籠中物耶且胃氣者清純冲和之氣也九藥之氣皆偏非若五谷可常食也苟不知此而惟藥之是耽則胃氣之存者幾希矣有志養生者不可以不謹生既以症治之方而詳之于前復以存養之要而申之于後無非致其叮嚀忠愛之意也伏乞高明議之以訂是否

條荅福建舉人謝邦實所患書

一所示大便多燥而色赤褐意燥赤亦熱所爲

大便燥赤固熱所爲亦挾血虛蓋大腸屬陽明燥金血旺則便潤血少則便燥且腎主大便而亦屬血也由此論之則血虛兼熱爲兩盡矣

一所示夜卧少寧舌生黑胎唇口焦燥靜養服藥二三日胎始退不知降火去胎之藥更有何方法唇舌焦乾更何調理

此項數病皆生于心何則心主血脉心血一虧則陽熱隨起故夜卧不寧唇舌焦燥黑胎之病層出而疊見矣且舌乃心之苗心火亢極故舌生黑胎靜養二三日而始退者蓋靜養則陰生陰生則陽伏矣周子所以定之以中正仁義而主靜者良以此也降火去胎潤唇滋燥

之藥恐無出于四物再加麥門冬五味黃柏知母之屬一所示目力亦短五步之內於人多不能識直視天日惟濛濛紛紛白花矣白精血縷不斷睡醒反漬淚

東垣云能遠視不能近視氣有餘血不足也能近視不能遠視血有餘氣不足也今貴目既不能視遠又不能視近此氣血俱不足也直視天日惟見白花乃肺之象何則肺爲氣主屬金而燥肺金一虛火來易侮且天與日皆陽火也虛金受侮于天日之陽火故白花紛散漫而見于前矣白精血縷不斷睡醒反漬淚者屬于肝火之動也經云肝熱甚則出淚是矣所治之方要當滋腎水以制火保肺氣以畏木則眼中諸疾雖不期愈

而自愈矣然加減補陰丸正與病對先生宜詳審之
一所示腎衰甚不敢勞動惟有患則腰足痠痛或右腎
痠疼或久立或勞皆然意區區氣病居多故所患右躰
偏多見鬚白眼赤多自右爲甚
夫人之一身氣血周流細而分之則氣屬于右血屬于
左氣屬于右則右躰不免氣旺而血劣也且先生亦中
年已後血氣日減加之右躰氣旺血劣宜乎腰足痠疼
右腎時痛鬚白眼赤之症多見于右也補腎藥方亦無
出于加減補陰丸藥生當別緒以呈
一所示勞倦時小便旁射散逆如絲不得順直意皆氣之
不足藥之不專勞而失養然歛

此條先生以爲氣之不足藥之不專勞而失養之所致
以予觀之誠不出此三之外但先生徒托諸空言不見
諸行事是以病根不除時作而時止矣

一所示近來腰復微痛坐久屈伸不便右側腰腿相接處
曰環跳穴旁多酸痛

夫腰者腎之外候蓋由腎水衰虛于內以致腎之外候
或微痛或屈伸不便或環跳穴旁酸痛也環跳雖屬膀
胱膀胱亦腎之府未有藏病而府不病也

一示孤骨下間有火熱或升于右脚股一團二指許有時微熱如灯照
丹溪有曰火自湧泉穴起者乃火起自九泉也孤骨須
亦屬于膀胱與腎相爲表裏而又近于湧泉即此觀之

是亦腎水衰少不足以制火而火起于九泉之類也此宜滋養腎水以制妄火經云滋陰水以制陽光是也

疫

一人年弱時房勞後忽洒洒惡寒自汗發熱頭背胃腕皆痛唇赤舌強嘔吐眼胞青色豎投補中益氣午後譫語惡熱小便長初日脉皆細弱而數次日脉則浮弦而數豎以手按臍下痛誼欲下之遣書來問予曰疫也疫兼兩感內傷重外感輕耳臍下痛者腎水虧也若用利藥是殺之也古人云疫有補有降有散茲宜合補降二法以治別清暑益氣湯除蒼朮澤瀉五味加生地黃芩石膏服十餘貼而安

瘡

邑人汪大尹年幾七十形色蒼白勞倦病瘡瘡止胸膈痞悶心惡痰多不思飲食懶倦口苦頭痛夜夢紛紜兩腿時癢予爲診之脉皆浮濡無力且過于緩醫書云脉緩無力者氣虛也又云勞則氣耗又云勞倦傷脾脾傷不能運化精微以養其心故心神爲之不安宜倣歸脾湯例治之人參二錢麥門冬白朮各一錢歸身酸棗仁茯神各八分黃芩陳皮各六分枳實甘草各五分川芎七分煎服二貼夜卧頗安但藥後覺嘈食則吞酸口淡減去枳實加山查七分吳茱萸二分服之仍用參朮歸芎山枝山查丸服而愈

一人年逾四十形瘦色紫淡素勞傷脾子令常服參苓白
朮散獲安住藥一年復勞飲冷酒不爽是夜頭又被濕
遂致身冷不安早起面目俱黃益用零筋草根酒煎服
之吐瀉大作又加姜煎則心熱膈壅不進飲食大便秘
結瘡作胸膈痞塞粥飲不入食此湯則嘔此氣哕逆吐
涎意向甚惡予診左脉浮濡無力肝脉頗弦右脉肺部
濡散脾部浮微二部脉皆似有似無或呼或吸又覺應
指曰此脾虛之極也初因勞熱飲冷頭又被濕內熱因
鬱故發為黃若用摛藥以泄上焦濕熱則黃自退乃用
草藥酒煎濕熱雖行而脾氣存也幾希且勿治瘡當用
補脾為急用人參五錢橘紅一錢時時煎湯呷之令其

且莫食粥以回胃氣彼如所言旬餘乃愈

一人年逾四十不肥不瘦形色蒼白季秋久瘡益用丹劑

一丸止之嘔吐不休粒米不入大便或瀉面赤妄語身

熱予診脉皆浮而欲絕仲景云陽病得陰脉者死今面

赤身熱妄語其症屬陽而脉微欲絕則陰脉矣此一危

也經曰得谷者昌失谷者亡今粒米不入此二危也又

曰泄而熱不去者死今數泄瀉而面赤身熱不除此三

危也以理論之法在不治古人云治而不愈者有也未

有不治而愈者也令人參五錢白朮二錢御米一錢

橘紅八分煎服四貼漸有生意

一人年近三十形瘦淡紫八月間病瘡予診之左脉頗和

而駛右脉弱而無力令用清暑益氣湯加減服之覺胸膈痞悶遂畏入參更蚤作瘡治而瘡或進或退服截藥病稍增延至十月復邀予診脉皆浮小而濡帶數右則尤近不足曰正氣又虛邪番不出瘡尚不止也宜用十全大補湯減桂加苓倍參服之漸愈

一人年逾三十形瘦色蒼八月間病瘡或用截藥或用符水延纏不愈胸膈痞滿飲食少進大腸痔血小便短赤瘡發于夜寒少熱多自汗予診左脉濡小而緩右脉濡弱無力曰此久瘡傷脾也用人參二錢白朮歸身茯苓各一錢芍藥八分黃芩七分枳實五分陳皮六分甘草四分煎服後因痔血未止吞槐角丸而血愈多仍服前方

而血減矣

一婦面色淡紫年逾四十九月病瘡夜發渴多汗嘔吐粒食不進數日予診脉皆浮濡而緩按之無力遂用人參五錢橘紅八分甘草七分白朮一錢煎服十餘貼瘡止食進漸有生意但大便二十日不通再診右脉浮小無力左脉沉弱無力前方加歸身一錢火麻仁錢半如舊煎服病除

一婦年逾三十瘦長淡紫六月產八月瘡瘡止胸膈痞悶總勞氣喘咳血身熱脚冷予診左脉濡弱右脉肺部頗洪關尺二部亦弱以生地黃白芍麥門冬白朮各一錢阿膠歸身牡丹皮各七分人參八分陳皮五分煎服一

貼再令熱服瀉止膈快但盜汗而脚即軟矣前方加黃
芪錢半黃栢七分依前煎服而安

一人年三十形色蒼白因勞感熱九月盡病瘡頭痛口渴
嘔吐胸膈痞塞不進飲食自汗倦怠熱多寒少壅用截
藥病增過飲水吐甚予診脉皆浮大而濡頰弦曰此勞
倦傷脾熱傷氣之瘡也令人參三錢黃芪錢半白朮
麥門冬各一錢枳實五分山查七分歸身黃栢知母各
七分乾姜甘草各三分煎服三貼病減復勞病作前方
人參加作四錢服之向安

一人年三十久瘡壅用補中益氣湯或止或作延及半年
因解髮結勞傷咳嗽壅以前方加半下五味遂致喉痛

声啞夜不能寢邀予視之右脉浮濡左脉小弱曰經云
陰火之動發為喉痺是也此必色欲不謹久服參芪徒
增肺中伏火耳令以封桔湯加鼠粘子蜜炙黃栢煎服
二貼喉痛除而声出繼服保和湯五貼而安

一人年三十餘形瘦淡紫素勞久瘡三日一發于夜嘔吐
熱多寒少不進飲食小便頻數氣喘咳嗽日夜打坐不
能伏枕幾月矣頭身骨節皆痛壅作瘡治病甚衆皆危
之脉皆浮虛緩弱而不甚大予以參朮加陳皮黃栢枳
實知母麥門冬北五味煎服三貼病退越二日復病令
用四物加重便服之則嗽除喘止始能就卧再用八物
湯除茯苓加枳實香附又用枳朮丸加入參砂仁歸身

黃芩吞服調理熱來常服童便半年而安

一婦形色脆白年五十餘憂勞六月背瘡文炙百餘壯瘡

散病瘡身熱自汗口渴頭暈吐泄瀉不進飲食寒少

熱多自用清暑益氣湯病甚予診左脉浮微似有似無右

脉浮小按之不足曰病須屬瘡當作虛治依方而用清

暑益氣固與病宜但邪重劑輕病不去耳令以參朮加

作五錢莖三錢茯苓一錢陳皮七分甘草五分煎服病

退

一人于嘉靖九年因冒風病瘡熱多寒少頭痛倦怠食少

自汗已服參蘇飲一貼予適在彼診之脉皆浮虛近駛

曰此虛瘡也非參蘇飲所宜令將平日所服參芪歸朮

等藥煎服五六貼而愈且諭之曰元氣素虛不宜發散

凡遇一切外感必須以補元氣為主少加發散之藥以

輔佐之庶為允當宜永識之

一婦常患咳嗽加以瘡疾因仍左脇有塊瘡止有孕嗽尚

不寧喉乾痰少或時呷出頑痰鐘許方止夜亦如是常

覺熱盛胸膈壅滿背心亦脹常要打摩妊已六月夜半

如廁身忽寒戰厚覆少頃乃愈越兩日夜半又發寒熱

如瘡肢節痛上身微汗口中覺吐冷氣胸喉如有物礙

心前虛腫按之即痛頭痛氣喘坐卧不寧盜作傷寒發

散又作痰症而用二陳不効予往視之脉皆濡而近滑

白胃虛血熱也先以四君子湯加黃芩枳壳麥門冬煎服

二三貼以保胃氣繼以四物湯加枳殼麻仁大黃
三服下之遂滯下後重虛坐努責怠倦不食時或昏悶
亂叫食則脹不食飢四肢痛脚腫予曰胃虛非湯藥所
宜令合枳朮丸加人參當歸黃芩服月餘諸症悉除胎
亦無損

一人形瘦色脆年幾三十正德十年四月腹痛惟覺氣轉
左邊五日而止次年四月亦然八月病瘥間日一發寒
少熱多十餘日止第三年四月八月如舊腹痛瘥作四
年五年四月八月亦然但瘥作腹痛瘥止痛止旬餘瘥
除又瀉痢十餘日瀉止瘥又作但不腹痛五日瘥瘥仲
冬感寒頭痛發熱腹及右脇脹痛氣喘溏瀉內黑外紅

日夜五六次內熱不減飲食難進壅用三乙承氣湯二
貼繼用木香枳朮丸諸症稍定午後內熱愈熾遇食愈
脹得瀉畧寬頭痛不減詣予診治脉皆浮濡近駛曰氣
屬陽當升虛則下陷矣又屢服消剋攻下之劑所謂虛
其虛也安得不脹而頻瀉乎經云下者舉之其治此病
之謂歟或曰脹滿者氣有餘也積塊者氣固結也經云
結者散之有餘者損之今有餘而補固結而益何謂予
曰人身之氣猶天之風風性剛勁揚沙走石熱能禦之
孟子曰至大至剛是也餒則爲物障蔽反以爲病若能
補養以復其剛大之性則衝突排蕩又何脹滿不散積
塊不行經曰壯者氣行則愈怯者著而成病是也蓋氣

之強壯者則流動充滿或有積滯亦被衝突而行散矣
何病之有氣之怯弱則力小遲鈍一有積滯不免因仍
承襲積着成病故此病法當升陽益胃遂以參苓白朮
散煎升麻湯調服月餘仍令丸服一料而愈

一人形瘦色脆年三十餘八月因勞病瘡寒少熱多自汗
躰倦頭痛胸痞畧欬而渴惡食大便或秘或溇發于寅
申巳亥夜豎誼欲從丹溪用血藥引出陽分之例治之
予診其脉濡弱近駛稍弦曰察形觀色參脉乃屬氣血
兩虛瘡已深入厥陰矣專用血藥不免損胃又損肺也
淹延歲月久瘡成癆何也自汗嗽渴而蒼朮白朮豈宜
例用惡食胸痞而血藥豈能獨理古人用藥立例指引

迷途耳因例達變在後人推廣之也遂以補中益氣湯
加川芎黃柏枳實神麩麥門冬倍用參芪朮煎服三十
餘貼諸症稍除瘡猶未止乃語之曰今當冬氣沉潛瘡
氣亦因之以沉潛難使浮達况汗孔亦因以閉塞經曰
瘡以汗解當此閉藏之時安得違天時以汗之乎且以
參朮枳實陳皮歸身黃芩丸服胃氣既壯來年二月瘡
當隨其春氣而發泄矣果如期而安

一人年三十形色頗實初因舟行過勞受熱咳嗽不已續
又病瘡素有熱淋求登服藥或作或輟回家予爲診之
脉皆濡弱近緩左尺畧駛曰此熱傷氣也肺爲氣主氣
傷肺亦傷矣故發咳嗽其瘡亦因熱而作令用人參錢

半白木麥門冬茯苓各一錢歸身知母各七分青皮黃
栢甘草各五分煎服而安九月復舟行過勞感熱其瘡
復作或一日一發或二日一發或三日一發或連發二
日回家豎作瘡治不効仍用前方煎服遂安
一人年三十六月因勞取涼夢遺遂覺惡寒連日慘慘不
爽三日後頭痛躁悶家人診之驚曰脉絕矣誼作陰症
欲進附子湯未決邀予往治曰陰症無頭疼今病如是
恐風暑乘虛入于陰分故脉伏耳非脉絕也若進附子
湯是以火濟火安能復生姑待以觀其變然後誼藥次
日未末申初果病寒少熱多頭痛躁渴痞悶拒食自汗
大便或瀉或結脉皆濡小而駛脾部兼弦此非尋常驅

瘡燥烈劫劑所能治遂用清暑益氣湯減蒼朮升麻加
柴胡知母厚朴川芎以人參加作二錢黃芪錢半白朮
當歸各一錢煎服二十餘貼而愈

本縣二尹大人北人形長魁偉年逾四十六月舟中受熱
病瘡寒少熱多頭疼躁渴汗多豎用七保飲治之不愈
予診其脉浮濡而駛略弦曰此暑瘡也以白虎湯加入
參三錢煎服十餘貼而瘡止

待御程公形色清脆年餘四十素善飲形色蒼熱病頭痛
惡食泄瀉小便短少午後惡寒發熱豎用二陳平胃五
苓其一服治不退反增腰腹拘急邀予診視脉皆濡弱
頗弦而駛曰耗血傷胃惟酒為甚復加以時熱外傷其

氣內外兩傷法當從補若用草菓栝榔常山半下燥烈之劑譬猶抱薪救火寧不益其病耶遂以人參二錢黃芪錢半以益皮毛不令汗泄白朮茯苓石膏麥門冬各一錢以導濕熱不使傷胃知母青皮神麴黃芩歸身川芎柴胡各七分以消積滯而和表裏少加甘草三分煎服十餘貼瘡止後以參苓柏散常服收功

一人年三十餘八月因勞病瘡詣予診治脉皆六至而數無力曰古人云形瘦色黑者氣實血虛也又云脉數無力者血虛也間日發于午後亦血分病也以色脉論之當從血治但今汗多乃陽虛表失所衛消谷善飢乃胃虛火乘其土皆陽虛也仲景法有憑症不憑脉者茲當

憑症作陽虛治以參芪各三錢白朮白芍麥門冬各一錢歸身生地甘草各七分黃柏知母陳皮各五分煎服二十餘貼而安若用尋常驅瘡劫劑寧免後艱

予年逾六十形質近弱八九月酷熱時往來休歛外有藥劑之功內有病者之憂內外弗寧晝夜不靜至十月初旬瘡作三日午後一發寒不甚寒熱不甚熱喜熱惡寒寒去熱來則爽快矣口乾微渴臨發昏倦嗜卧左脉沉小而數右脉浮濡無力亦近于數獨脾部弦而頗洪瘡去則脉皆大小浮沉相等惟竟緩弱而矣初服補中益氣湯十餘貼病無加減夜苦盜汗繼服當歸六黃湯黃芪每貼四錢五貼汗止瘡如舊再服白虎湯人參四錢

石膏三錢知母一錢甘草六分米一撮煎服十餘貼而瘡止矣

一人瘦長脆白年三十餘久瘡後盜汗自汗過多加以傷食吐瀉大作吐止而瀉四日不住筋惕肉瞤驚悸夢遺小便不禁予診脉皆緩弱右則畧弦而濡曰此下多亡陰汗多亡陽氣血虛也遂以參芪爲君白朮爲臣山枝麥門冬牡蠣爲佐酸棗歸身山查爲使加以薄桂煎服旬餘諸症稍退半年之間常覺臍下內熱一團烘烘不散時或夢遺浮梁孫登誼作熱鬱固欲下之予曰此非有餘之熱乃陰虛生內熱耳若欲下之是殺之耳宜以前方加黃柏熱當自退果驗

一人年十七八時因讀書飢感寒得瘡延纏三年瘡愈寒氣臍左觸痛熱熨而散仍或發或止後因新娶往縣復受飢寒似病傷寒吐二日夜不止接服理中湯補中益氣湯固本丸補陰丸猪肚丸其吐或作或止飲食或進或不進續後受飢勞倦食則飽悶子至午前睡安畧爽食稍進午後氣升便竟脹悶胸膈瀝上水嚮四肢微厥吐水或酸或苦亦有間日吐者大便燥結小便赤短身軀瘦弱不能起止予曰須不見脉見症必是稟賦素弱不耐飢寒宜作飲食勞倦爲主而感胃一節且置諸度外夫氣升脹悶觸痛者脾虛不能健運以致氣鬱而然胸膈瀝上水聲謂之留飲乃用獨參湯補養其氣血加

姜以安其嘔吐黃栢以降其逆氣初服三貼臍左痛除
吐止將人參加作一兩吐又復作此由補塞太過而無
行散佐使故也人參減作七錢附五分炮姜七分半下
八分蒼朮七分厚朴七分茯苓一錢服至二十餘貼吐
止食進餘病皆減頗喜肉味以手揉擦其肚尚有水声
汨汨微感寒腹中氣猶微動或時鼻衄數點近來忽瀉
二日而自止統住前藥又賚不爽前方加黃芩四錢山
枝七分減黃栢如舊煎服或曰吐水或酸或苦大便閉
燥小便赤短諸書皆以爲熱凡病晝輕夜重諸書皆爲
血病今用姜附何也予曰吐水酸苦由脾虛不能行濕
濕鬱爲熱而水作酸苦也姜附性熱辛散濕逢熱則收

鬱逢熱則散濕收鬱散酸苦自除大便燥結者由吐多
而亡津液也小便短少由氣虛不能運化也茲用人參
以養血氣則血潤燥除氣運通矣若用苦寒之藥則
苦傷血寒傷氣寧不愈益其病哉日輕夜重爲血病者
道其常也此則不然須似血病而實氣病也豎作血病
而用固本補陰等藥反不解非血病可知所以日輕者
日則陽得其位而氣旺故病減夜則陽失其位而氣衰
故病重經曰至于所生而持自得其位而起是也故病
則有常有變而豎不可不達其變也病將愈猶或鼻衄
數點者此浮潘之火也加山枝氣味薄者以潛伏之火
當自愈後聞食糲肉前病復作予曰臟腑習熟于藥病

亦見化于藥再無如之何矣

鼻衄流涕

一人形近肥而脆年三十餘內有寵妻三月間因勞感熱鼻衄久而流涕不休臭穢難近漸至目昏耳重食少躰倦盥用四物涼血或用參芪補氣罔有效者邀予診視脉皆浮濡而滑按之無力曰病不起矣初因水不制火肺因火擾涕流不休經云肺熱甚則出涕是也况金躰本燥津液日泄則燥者枯矣久則頭面諸陽之液亦因以走泄經云枯澁不能流通逆于肉理乃生癰腫是也予歸月餘面目耳傍果作癰瘡而卒後見流涕者數人亦多不救

痢

一婦年逾五十病痢半載餘盥用四物涼血之劑及香連丸愈增胃脘腹中痛甚裏急後重下痢頻併暖氣亦或咳嗽遍身煩熱予爲診之脉皆細弱而數曰此腸胃下久而虛也盥用寒涼愈助降下之令病何由安經云下者舉之虛者補之其治此病之法畝遂以參朮爲君茯苓芍藥爲臣陳皮升麻爲佐甘草爲使研末每服二錢清米飲調下一日二次或三次遂安

一人八月病滯下盥用調胃承氣大承氣湯下之不利邀予視之面色痿黃食少無味大便不通惟後重甚痛脉皆細弱近滑右脉覺弱予曰此氣滯非血滯也盥用硝

黃利血宜其氣滯于下而愈不通矣遂令吞黃連阿膠
丸再用蓮子升麻白芍實黃芩枳壳歸身煎服而安後
用白朮人參二兩白芍陳皮山查各一兩爲末粥丸常
服調理

予兄年逾六十養古素健九月患滯下予適出外自利
藥三貼病減延至十月後重未除滯下未止診之脉皆
濡散頗緩初用人參二錢歸身升麻白芍桃仁黃芩各
一錢枳榔五分煎服後重已除再減桃仁枳榔加白朮
錢半滯下亦定惟糞門深入寸許近後尾閭穴傍内生
一核如梅頗覺脹痛不爽予曰此因勞責氣血下滯于
此耐煩數日農漬自安果如所言後服槐角丸痔痛如
故仍用人參三錢歸芪升麻等劑而愈

脇痛

予婿王璠客揚州病脇痛望以爲虛用人參羊肉補之其
痛愈甚鎮江錢整治以龍會丸痛減予聞胃雪自蕪湖
繞行至彼診之脉皆弦濡而弱曰脾胃爲痛所傷尚未
復也遂用枳皮枳朮丸加黃連當歸服之而安越五年
腹脇揮痛彼思煩類前病欲服龍會丸未決予又衝寒
陸路至彼遂親扶持不成寐者數晚診之脉皆濡弱而
緩曰前病屬實今病屬虛非前藥可治也遂以人參爲
君芍歸芍藥爲臣香附陳皮爲佐甘草山枝爲使煎服
十餘貼痛止而食進矣又後十餘年來賀予壽病滯下

腹痛後重日夜四五十行診之脉皆濡弱近駛曰此熱傷血也以四物加枳榔大黃下之四五行腹痛稍減後重不除仍用前方除大黃服十餘貼續吞香連丸獲安三病予三起之其勞甚矣情湏丈婿恩同父子不知彼以父視我乎以人視我乎

黠縣承年逾五十京回兩脇肋痛盍用小柴胡湯痛止續後復痛前方不効請予往治脉皆弦細而濡按之不足曰此心肺爲酒所傷脾腎爲色所損兩脇脹痛相火亢極肝亦自焚經云五藏已虛六府已極九候湏調者死此病之謂歆果卒

海

膈噎

一人年六十逾色紫平素過勞好酒病膈食至膈不下則就化爲膿痰吐出食肉過宿吐出尚不化也初卧則氣壅不安稍久則定益用五膈寬中散下沉透膈湯或用四物加寒涼之劑或用二陳加耗消之劑罔有效者來就予治脉皆浮洪弦虛予曰此大虛症也益見此脉以爲熱症而用涼藥則愈助其陰而傷其陽若以爲痰爲氣而用二陳香燥之劑則愈耗其氣而傷其胃是以病益甚也况此病得之酒與勞也酒性酷烈耗血耗氣莫此爲甚又加以勞傷其胃且年踰六十血氣已衰脉見浮洪弦虛非吉兆也宜以人參三錢白朮歸身麥門冬

各一錢白芍藥八分黃連三分乾姜四分黃芩五分陳皮七分香附六分煎服五貼脉欬而膈頗寬食亦進矣

淋

一人形肥蒼白年五十餘病淋沙石澀痛盪用五苓或琥珀八政散之類病益加數予往診脉皆濡弱而緩近駛曰此氣血虛也經云膀胱者津液之府氣化出焉今病氣虛不惟不能運化蒸滲而亦氣餒不能使之出也經又云血主濡之血少則莖中枯澀水道不利安得不淋盪用通利血愈燥氣愈傷矣遂用大補湯加牛膝煎服月餘病減仍服八味丸除附子加黃芪服半月餘遂獲安

眼目

婦年逾四十兩眼昏昧咳嗽頭痛似鳴而痛若過飢惡心盪以眼科治之病甚予診脉皆細弱脾部尤近弦弱曰脾虛也東垣云五藏六府皆稟受于脾上貫于目脾虛則五藏精氣皆失所司不能歸明于目矣邪逢其身之虛隨眼系入于腦則腦鳴而頭痛心者君火也宜靜相火化行其令勞役運動則妄行侮其所勝故咳嗽也盪不理脾養血而以苦寒治眼是謂治標不治本乃用參芪錢半麥門冬貝母各一錢歸身八分陳皮川芎黃芩各七分甘草甘菊各五分麥芽四分煎服二貼諸症悉除

白濁

一人年逾三十季夏日午房後多汗晚浴又近女色因患白濁盥用胃苓湯加右眼作痛用物湯入三黃服之睡醒口愈加苦又加左膝腫痛仲冬不藥濁止漸次延至背痛不能轉側日輕夜重嚏則如繩束撮腰脇痛不可忍阿氣亦應背痛或時夢遺次年正月請予診治脉皆緩弱無力左脉緩而畧滑曰此脾腎病也夫緩脾脉也緩弱無力脾虛可知左脉滑者血熱也遂以人參黃芪各二錢茯苓白朮身麥門冬各一錢牛膝神曲陳皮黃柏各七分甘草五味各五分煎服三十餘貼仍以龜板參芪黃柏各二兩熟地山茱萸杜仲歸身牛膝各一兩丸服而愈

咳嗽

一人形長色蒼瘦年逾四十母遇秋涼病痰嗽氣喘不能卧春暖即安病此十餘年矣盥用紫蘇薄荷荊芥麻黃等以發表用桑白皮石膏滑石半夏以疏內暫雖輕快不久復作予為診之脉頰洪滑曰此內有鬱熱也秋涼則皮膚緻密內熱不能發泄故病作矣內熱者病本也今不治其本乃用發表徒虛其外愈不能當風寒疏內徒耗其津愈增鬱熱之勢遂以三補丸加大黃酒炒三次貝母瓜蒌丸服仍令每年立秋以前服滾痰丸三五十粒病漸向安
婦年逾五十其形色脆弱每遇秋冬痰嗽氣喘自汗躄

倦卧不安席或嘔惡心診之脉皆浮緩而濡曰此表虛
不禦風寒激內之鬱熱而然遂用參芪各三錢麥門冬
白朮各一錢黃芩歸身陳皮各七分甘草五味各五分
煎服十餘貼而安每年冬寒病發即進此藥次年秋間
滯下腹痛後重脉皆濡細稍滑予曰此內之鬱熱欲下
也躰雖素弱經云有故無損遂以小承氣湯利兩三行
腹痛稍除後重未退再以補中益氣湯加枳壳黃芩芍
藥煎服仍用醋澆熱磚布裹坐之而愈是年遇寒嗽喘
亦不作矣

一婦產後咳嗽痰多晝輕夜重不能安寢飲食無味或時
自汗盜用人參清肺湯嗽愈甚予爲診之脉浮濡近駛

曰此肺熱也令服保和湯五貼而安

一婦懷妊七月嗽喘不能伏枕兩脅坐久皮皆潰爛遂用
蘇子降氣湯三拗湯參蘇飲罔有效者邀予診之右脉
浮濡近駛按之無力左脉稍和曰此肺虛也宜用補法
遂以人參錢半白朮麥門冬各一錢茯苓八分歸身阿
膠黃芩各七分陳皮五味甘草各五分煎服五七貼而
痊

一童子八歲傷寒咳嗽痰少面赤日夜不休丁氏小兒科
治以參蘇飲數日嗽甚予爲診之脉洪近駛曰熱傷肺
也令煎葛氏保和湯二服如失

氣痛 氣逆

一婦瘦弱年四十餘患走氣遍身疼痛或背脹痛或兩脇
掉痛或一月二三發則嘔盡所食方快飲食不進久
伏床枕豎作氣治用流氣飲或作痰治用丁薑二陳湯
病甚邀予視之脉皆細微而數右脉尤弱曰此恐孀居
憂思傷脾而氣鬱也理宜補脾散鬱以人參三錢香附
砂仁黃芩甘草各五分黃芪二錢歸身錢半川芎八分
乾姜四分煎服十餘貼脉之數而弱者稍緩而健諸痛
亦減仍服前方再用人參黃芪川芎香附山枝甘草以
神麩糊丸服之病除

邑庠司訓蕭先生年逾五十形肥色紫病氣從臍下冲逆
而上睡卧不安飲食少精神倦予為診之脉皆浮濡而

緩曰氣虛也問曰丹溪云氣從臍下起者陰火也何謂
氣虛予曰難批定論丹溪又云肥人氣虛脉緩亦氣虛
今據形與脉當作氣虛論治遂以參芪為君白朮白芍
為臣歸身熟地為佐黃柏甘草陳皮為使煎服十餘貼
稍安彼以胸膈不利陳皮加作七分氣冲上仍守前方
月餘而愈

身麻

一婦或時遍身麻痺則懵不省人事良久乃甦豎作風治
用烏藥順氣散又用小續命湯病益甚邀予診之脉皆
浮濡緩弱曰此氣虛也麻者氣餒行遲不能接續也如
人久坐膝屈氣道不利故伸足起立而麻者是也心之

所養者血所藏者神氣運不到血亦罕來由心失所養而昏惰也遂用參芪各二錢歸身茯苓門冬各一錢黃芩陳皮各七分甘草五分煎服而愈

秘結

一婦嫠居改嫁乘轎勞倦加以憂懼成婚之際遂病小腹脹痛大小便秘結不通壅以硝黃三下之隨通隨閉病增胸膈胃脘脹痛自汗食少予為診之脉皆濡細近駛心脉頗大右脉竟弱予曰此勞倦憂懼傷脾也蓋脾失健運之職故氣滯不行以致秘結今用硝黃但利血而不能利氣遂用人參二錢歸身錢半陳皮枳壳黃芩各七分煎服而愈

卷上終

石山醫案卷之中

吐血 咳血

門生石野陳楠惟宜較勘

一入年三十餘形瘦神瘁性急作勞傷于酒色仲冬吐血二盃盆腹脹腸鳴不喜食飲鑿作陰虛治不應明年春又作食積治更灸中脘章門復吐血碗許灸瘡不潰令食鮮魚愈竟不爽下午微發寒熱不知飢飽予診其脉濡細而弱右脉尤竟弱而似弦曰此勞倦飲食傷脾也宜用參芪白朮歸身甘草甘温以養脾生地麥門冬山枝其寒以涼血陳皮厚朴辛苦以行滯隨時暄涼加減

煎服久久庶或可安三年病愈後往臨清買賣復縱酒
色遂大吐血頭暈

一人年二十餘形瘦色脆病咳血盪用滋陰降火及清肺
之藥延及二年不減又一盪用茯苓補心湯及參蘇飲
皆去人參服之病增邀予診之脉細而數有五至餘曰
不可爲也或曰脉訣云四至五至平和之則何謂不可
爲予曰經云五藏已衰六腑已極九候湏調猶死是也
且視形症皆屬死候經曰肉脫熱甚者死嗽而加汗者
者死嗽而下泄上喘者死嗽而左不得眠肝脹右不得
眠肺脹俱爲死症今皆犯之雖飲食不爲飢膚去死近
矣越五日果卒凡患虛勞犯前數症又或嗽而喉痛聲

啞不能藥或嗽而肛門發癢皆在不救盪者不可不知
一人年三十時過于勤勞嘔血彼甚憂惶予爲診之脉皆
緩弱曰無慮也由勞倦傷脾耳遂用參芪歸朮陳皮甘
草麥門冬等煎服月餘而愈越十餘年斗號傷氣加以
過飽病膈壅悶有痰間或咯紅噎酸飲食難化小便短
赤大便或溇有時滑泄不止睡醒口苦夢多或夢遺盪
用胃苓湯病甚邀予診視脉或前大後小或駛或緩或
細或大或弱或弦並無常度其細緩弱時常多曰五藏
皆受氣于脾脾傷食減五藏俱無所稟矣故脉之不常
脾之虛也藥用補脾庶幾允當遂以參朮爲君茯苓爲臣
陳皮神麩見母爲佐甘草黃柏爲使服之瀉止食進後

復傷食前病又作曰再用湯藥腸胃習熟而反見化于藥矣服之何益令以參朮白朮散加肉苳寇棗湯調下累驗又傷于食改用參朮芍苓陳皮砂仁丸服大便即瀉曰脾虛甚矣陳皮砂仁尚不能當况他消導藥乎惟宜食靜以守之勿藥可也問命脉如何予曰孟子云夭壽不貳修身以俟之所以立命也夫壽夭固有定命而人不可委之于命而不修也人生于世如燭在籠火在灰也罩以籠壅以灰則燭與火可保無虞人能遠色節食養性存心使汗不妄泄精不妄施數湏有修短而得以終其修短之數命湏有夭速而得以盡其夭速之期苟或反是譬猶燭之徹籠且置之兩側則東流西缺無復

完物修者短短者亦不得以終其命矣譬如火之失灰且移之風外左吹右擊無復全軀壽者夭夭者不得盡其數矣故曰君子修之吉小人恃之凶又曰靜者壽動者夭又曰自作孽不可活又曰禍福無不自已求之者聖賢叮嚀告戒無非欲人自保其命不可戕害其命也脉則氣血之徵兆氣血和則脉和氣血病則脉病但可以知其病耳命則在人不在于脉也故曰命在我一人年五十形色蒼白性急語不合則叫號氣喊嘔吐一日左妳下忽一點痛後又過勞惱怒腹中竟有穢氣衝上即嗽極吐或亦乾欬無痰甚則嘔血時發如瘡或以瘡治或以痰治或以氣治藥皆不効予往診之脉皆浮

細畧弦而駛曰此土虛木旺也性急多怒肝火時動故
左妳下痛者肝氣鬱也穢氣衝者肝火凌脾而逆上也
嘔血者肝被火擾不能藏其血也咳嗽者金失所養又
受火尅而然也嘔吐者脾虛不能運化食鬱為痰也寒
熱者木火交戰也茲宜泄肝木之實補脾土之虛清肺
金之燥庶幾可安遂以青皮山枝各七分白芍黃芪麥
門冬各一錢梔身阿膠各七分甘草五味各五分白木
錢半人參三錢煎服月餘諸症盡釋

一人年逾三十形色清癯病咳嗽吐痰或時帶紅飲食無
味易感風寒行步喘促夜夢紛紜又有癩疔塗用芩連
二陳或用四物降火或用清肺初服俱効久則不應邀

予診之脈皆浮濡無力而緩右手脾部濡弱頰弦曰此

脾病也脾屬土為肺之母虛則肺子失養故發為咳嗽

又肺主皮毛失養則皮毛踈豁而風寒易入又脾為心

之子子虛則竊母氣以自養而母亦虛故夜夢不安脾

屬濕濕喜下流故入肝為癩疔且癩疔不痛而屬濕宜

用參朮茯苓補脾為君梔身麥門冬黃芩清肺養心為

臣川芎陳皮山查散鬱去濕為佐煎服累効後以參四

錢芪三錢朮錢半茯苓一錢桂枝一錢嘗服而安

賜源謝大尹年四十時房勞病咳血頭眩脚弱口氣夢遺

或時如冷水滴于身者數點詣予診視脈皆濡緩而弱
獨左關沉微按之不應曰此氣虛也彼謂房勞咳血夢

遺皆血病也左關沉微亦主血病且聞肥人白人病多
氣虛今我形色蒼紫何謂氣虛予曰初病傷腎經云腎
乃胃之關也關既失守胃亦傷矣故氣壅逆血隨氣逆
而咳也又經云二陽之病發心脾男子少精女子不用
二陽者腸胃也腸胃之病必延及心脾故夢遺亦有曲
于胃氣之不固也左手關部細而分之瀕屬肝而主血
槩而論之而寸俱主上焦而察心肺兩關俱主中焦而
察脾胃兩尺俱主下焦而察肝腎是左關亦可以察脾
胃之病也古人治病有憑症有憑脈者有憑形色者今
當憑症憑脈而作氣虛証治為遂用參芪各三錢白朮
白芍歸身麥門冬各一錢茯神枝子酸棗仁各八分

皮甘草各五分煎服朝服六味地黄丸加黃柏椿根皮
夜服安神丸年餘而安越十餘歲致政歸田再為診之
右手三部脈皆隱而不見身又無病此亦事之異也世
謂太素脈法片時診候能知人終身禍福豈理也哉
一人形瘦色悴年三十餘因勞咳嗽吐血或自汗唇滿每
至早晨嗽甚吐痰如腐渣乳汁者一二碗仍復吐盡所
食稍定鑿用參蘇飲及枳縮二陳湯彌年弗效眾皆危
之數予診治脈皆濡弱近駛曰此脾虛也宜用參芪或
曰久嗽肺有伏火雜著云咳血嘔血肺受火邪二者禁
用參芪今病犯之而用禁藥何耶予曰此指肺嗽言也
五藏俱有嗽今此在脾丹溪曰脾具坤靜之德而有乾

健之運脾虛不運則氣壅逆肺爲之動而嗽也故脾所
裹之血胃所藏之食亦隨氣逆而嘔吐焉茲用甘溫以
補之則脾復其乾健之運殆必壅者通逆者順肺寧而
嗽止胃安而嘔除血和而循經又何病之不去哉遂以
參芪爲君白朮茯苓麥門冬爲臣陳皮神麴歸身爲佐
甘草黃芩乾姜爲使煎服旬餘遂安

一人形色頗實年四十餘病嗽咯血而喘不能伏枕鑿用
參蘇飲清肺飲皆不効予診之脉皆浮而近駛曰此酒
熱傷肺也今嚼太平丸六七粒其嗽如矢

村莊一婦年五十餘久嗽咯膿血日輕夜重詣診視脉皆
細濡而滑曰此肺痿也曾服何藥出示其方非人參清

肺散乃知毋茯苓湯也二藥皆犯人參半下一助肺中
伏火一燥肺之津潤故病益加爲處一方天麥門冬阿
膠貝母爲君知母生地紫苑山枝爲臣桑白皮馬兜鈴
爲佐欵冬花歸身甜葶藶桔梗甘草爲使煎服五貼遂
安

一人年逾三十形近肥色淡紫冬月感寒咳嗽痰有血絲
頭眩躄倦益作傷寒發散不愈更益用四物加黃柏知
母益加身熱自汗胸膈痞悶大便滑瀉飲食不進夜不
安寢詣予診治右脉洪緩無力左脉緩小而弱曰此氣
虛也彼謂痰中有紅或咯黑痰者皆血病也古人云黑
人氣實今我形色近黑何謂氣虛予曰占人治病有憑

色者有憑脉者丹溪云脉緩無力者氣虛也今脉皆緩弱故知爲氣虛矣氣宜溫補反用寒涼陽宜升舉反用降下又加以發散則陽氣之存也幾希遂用參芪各四錢茯苓白芍麥門冬各一錢歸身八分黃芩陳皮神麩各七分蒼朮甘草各五分中間雖稍有加減不過兼以行滯散鬱而已煎服百貼而安

一人形色蒼白年三十餘咳嗽咯血声啞夜熱自汗邀予診視脉皆細濡近駛曰此得之色欲也遂以四物加麥門冬紫苑阿膠黃柏知母煎服三十餘貼諸症悉減又覺胸腹痞滿惡心畏食或時糞溼診之脉皆緩弱無復駛矣曰今陰虛之病已退再用甘溫養其脾胃則病根

去矣遂以四君子湯加神麩陳皮麥門冬服十餘貼病安視前尤健

一人年逾三十形瘦色脆過于房勞病怠惰嗜卧食後腹痛多痰澆自胃中而上又吐酸水肺氣不清声音不亮已更數醫或用補陰消導等劑邀予診治脉皆細濡無力約有七至問曰熱乎曰不澆曰嗽乎夜間數声而已曰大便何如近來帶溼糞門傍生一瘡今已潰膿未收口耳曰最苦者何夜卧不安四肢無力而已予思脉病不應夫數脉主熱今澆不熱乃內蒸骨髓欬或正氣已極無復能作熱欬據症似難起矣何也虛勞糞門生瘡必成癯瘡脉不數者尚不可爲况脉數乎盖肺爲吸門司

上大腸爲肛門司下肺與大腸府藏相通况肺爲氣主
氣陽當升虛則下陷所謂物極則反也今病內熱燔灼
肺氣久傷故下陷肛門而生瘡瘻肺傷極矣非藥能濟
予遂告歸月餘果卒故凡虛勞之病或久泄或左或右
一邊不得眠者法皆不治也

消渴

一婦年三十逾常患消渴善飢脚弱冬亦不寒小便白濁
浮于上者如油予診脉皆細弱而緩右脉尤弱曰此脾
痺也宜用甘温助脾甘寒潤燥方用參芪各錢半麥門
冬白朮各一錢白芍天花粉各八分黃柏知母各七分
煎服病除後口味不謹前病復作不救

彙萃

一人形長蒼紫素善食喜啖肉年近六十時六月傷飢又
被雨濕旣而過食冷物腹中疼脹嘔吐次年至期前病
復作益作傷食或作冷氣率用香燥消導之藥時作時
止第三年十月病又作食則胃脘勸痛近來忽吐瘀血
如指者三四條大便溏瀉亦皆穢汚又常屢被盜驚今
猶卧則驚寤予診左脉沉弱右脉浮虛但資頗弦次早
復診左脉濡小無力右脉虛豁令人參二錢白朮錢
半茯苓當歸生地黃芪酸棗仁各一錢石菖蒲五分山
枝七分五貼資力健而食進尚暖氣失氣未除飲食少
味令人參加作三錢白朮加作二錢服愈

一人年十九形瘦面色黃白三月間微瘥身熱五月間因勞傷于酒肉遂大熱膈悶夢遺盜汗午後熱甚或作食積或作陰虛或作痰火治皆不應予爲診之午間脈皆洪滑予曰食飽之餘脈不定也來早再診脈皆收斂而弱右脈尤弱遂以人參三錢黃芪錢半白朮麥門冬各一錢黃柏知母山查各七分枳實甘草各五分煎服一貼熱減汗除五服去泰去甚惟夢遺一月或二次或三次令服固精丸五六兩仍令節食守淡味病當愈也後又瘥熱前方減甘草加石膏錢半牡丹皮八分

一人年三十形瘦淡紫繞臑氣壅腹痛背脹則吐腹中氣塊翻動嘈雜數日乃吐黑水一盥盆而作酸氣吐後暖

氣飲食不進過一二日方食大便二三日不通小便一日一次常時難向右卧午後怕食食則反飽脹痛行立坐卧不安日輕夜重二年後詣予診治脈皆浮弦細弱曰此脾虛也脾失健運故氣鬱而脹痛吐黑水者蓋因土虛不能制水故膀胱之邪乘虛而侮其脾土經云以不勝侮其所勝是也酸者木之所司脾土既虛水挾木勢而凌之爲豎作痰治而用二陳剛劑則脾血愈虛又作血治而用四物柔劑則是以滯益滯又作熱治而用黃連解毒則過于苦寒又作氣治而用丁沉香則過于香燥俱不適中遂以人參三錢黃芪錢半歸身一錢香附陳皮神麩各七分黃芩甘草各五分吳茱萸三分

煎服旬餘又犯油膩病作如前而尤重仍以前方加減
或湯或散丸服至半年而愈

一人年逾三十形色瘦黑飲食倍進食後吐酸食飯乾惡
難吞嘗有結痰注于胸中不上不下終勞則頭暈眼花
或時鼻衄糞後去紅或黑午後至晚胸膈煩熱眉心時
疼好睡醒來口舌乾苦盜汗夢遺脚冷手及臀尖生膿
疱瘡瑩以四物湯涼血之劑治之不効詣予診治左脉
小弱而數右脉散弱而數俱近六至曰症脉皆屬陰虛
作陰虛治之不効何也此必脾虛濕鬱為熱而然也今
用滋陰降火及滋濕而生熱病何由安宜用參芪耳濕
之劑補脾去濕可為問曰丹溪論瘦黑者鼻衄者脉數

者參芪皆所當禁予曰固也豈可執為定論而不知變

可乎脉經云數脉所主其邪為熱其症為虛遂以人參

二錢黃芪錢半白朮麻黃根生地茯苓麥門冬各一各

一錢歸身川芎各八分黃芩七分麥芽厚朴黃栢枳實

五味各五分服之而愈因勞病瘡仍用前方除麻黃根

牡礪麥芽枳實厚朴黃栢五味加澤泄柴胡青皮山枝

各七分甘草五分服十餘貼胸腹腰臍生小疥而愈

一人于幼時悞服毒藥泄痢後復傷食腹痛大泄不止今

須能食不作肌膚每至六七月遇服毒藥之時痛泄復作

善飢多食胸膈似冷夜間發熱嗜卧懶語聞淫欲言盜

汗陽舉心動驚悸喉中有痰小便不利大便或結或溏

過食則嘔吐瀉泄脉皆濡弱而緩右脉畧大尤覺弱也
次日左脉三五不調或一二至緩三五至駛右脉如舊
緩弱予曰左脉不調者此必欲動淫其精也右脉尤弱
者由于毒藥損其脾也理宜固腎養脾遂以人參錢半
白朮茯苓芍藥黃芪麥門冬各一錢歸身澤泄各八分
黃柏知母山查各七分煎服旬餘而安

一人年五十餘形色蒼古五月間泛木與人爭辨冒雨勞
役受飢且有內事夜半忽病發熱惡食上吐下瀉昏悶
煩躁頭痛身痛因自發汗上遂不止遣書來示脉皆洪
數予曰脉果洪數乃危症矣蓋吐瀉內虛汗多表虛兼
之脉不爲汗衰亦不爲瀉減在法不治但古人有言鑿

而不活者有也未有不鑿而活者也令人參五錢以
救裏黃芪五錢以救表白朮三錢乾姜七分甘草五分
以和中安胃白茯苓一錢陳皮七分以清神理氣水煎
不時溫服一酒盃看其病勢何如服至六七貼則見紅
斑而四肢尤甚面赤身及四肢脹悶人來告急予曰班
症自吐泄者多言謂邪從上下出也但傷寒發班胃熱
所致今此發班由胃虛而無根失守之火遊行于外也
可補而不可泄可溫而不可涼若用化班湯玄參升麻
之類則死生反掌矣仍令守前方服十餘貼諸病悉減
班則成瘡肢腫亦消而愈

一人形短蒼白平素善飲五月間忽發寒熱鑿作瘡治燥

渴益甚時常啖梨嘔吐痰多每次或至碗許飲食少進頭
暈昏悶大便不通小便如常或赤夜夢不安或一日連
發二次或二日三日一發或連發二日平素兩關脈亦
浮洪邀予適以事阻令服獨參湯二三貼嘔吐少止寒
熱暫住三日他醫曰渴甚脈洪熱之極矣復用獨參以
助其熱非殺之而何及予往視脈皆浮洪近數予曰此
非瘡而亦非熱也脈洪者陰虛陽無所附孤陽將欲飛
越故脈見此其病屬虛非屬熱也渴甚者胃虛津少不
能上朝于口亦非熱也蓋年逾六十血氣已衰加以瘡
藥性皆躁烈又當壯火食氣之時老人何以堪此然則
邪重劑輕非參所能獨治遂以參芪各七錢歸身麥門

冬各一錢陳皮七分甘草五分水煎每次溫服一酒盃
服至六七貼痰止病除食進大便旬餘不通道之以蜜
仍令服三十餘貼以斷病根續後脈亦收斂而緩非復
向之鼓擊而駛也

一人年踰三十形瘦蒼白病食則胸膈痞悶汗多手肘汗
出尤多四肢倦怠或麻晚食若遲來早必泄初取其脈
浮軟近駛兩關脈乃畧大予曰此脾虛不足也彼曰已
服參朮膏胸膈亦竟痞悶恐病不宜于參芪耶予曰膏
則稠粘難以行散故也改用湯劑痞或愈乎令用參芪
各二錢白朮錢半歸身八分枳實甘草各五分麥門冬
一錢煎服一貼上竟胸痞下竟失氣彼疑參芪使然予

曰非也若參芪使然只當胸痞不當失氣恐由脾胃過
虛莫當枳朴之耗耶宜除枳朴加陳皮六分再服一貼
頓覺胸痞寬失氣除精神爽愷脈皆軟緩不大亦不駛
矣可見脾胃虛者枳朴須散用為佐使况有參芪喘水
為之君尚不能制然則豎之用藥可不慎哉

一婦五十七歲五月間因勞夜卧天熱開窓醒來遍身脹
痛疑是沙症刮背起紫疙痞因而胸膈脹痛磨木香服
之致小腹痛作痛咳嗽氣壅不能伏枕吐痰腥臭每次一
二碗亦或作泄肛門脹急自汗不止身表浮腫豎作傷
寒而用發散或作肺癰而用寒涼延綿一月豎皆辭去
其子來告予曰第未知得何脈耳告曰豎謂脈洪數也

予曰年逾五十血氣已衰又加以小勞而當酷熱之時
又不免壯火食氣且脈洪數乃熱傷元氣而然非熱脈
也所可慮者脈不為汗衰為泄減耳彼曰用生脈湯八
參二錢門冬二錢五味一錢病似竟甚予曰邪重劑輕
也理宜黃芪五錢以固表人參五錢以養內白朮三錢
茯苓錢半滲濕散腫陳皮七分吳茱萸四分消痰下氣
再加甘草五分以和之門冬二錢以救肺依法煎服十餘
貼後雖稍安脈與病終不救

一婦年逾三十形色脆白久病虛弱余為調治十餘載矣
須不能純去泰去甚至嘉靖癸未便道復為診之左脈
似有似無右脈浮濡無力予曰平素左脈不如此今忽

殤深爲之惧越三日再診兩手脈皆浮濡左則不似有
似無右則畧近于駛而已乃知脈變不常昨今異狀者
由虛而然也今整以片時診察即謂其病若何遂解囊
撮藥此亦失之踈畧未必能盡其病情也近患頭眩眼
昏四肢無力兩膝更弱或時氣上衝胸哽于喉中不得
轉動則昏憒口禁不省人事內熱口渴鼻塞飲食減經
水漸少予用人參三錢歸身白朮麥門冬各一錢黃芪
錢半黃柏七分枳實五分甘草四分煎服缺藥日久前
病復作服之又安

一人年逾三十質弱色蒼初竟右耳不時冷氣呵上如箭
出一陣越兩月餘左耳亦如右而氣出早晨聲啞胸前

有塊攢熱飯後聲啞稍開攢熱少息頃間又竟攢熱或
嗽惡酸水小便頻赤大便溏泄睡熟被嗽而醒噦惡二
三声胸腹作脹頭腦昏痛不堪或時發熱遍身疼痛天
明前病少息惟攢熱不除近來午後背甚竟寒兩腿麻
冷令用人參二錢半茯苓門冬白朮各一錢黃連甘草
枳實各五分貝母喘身各一錢白芍八分煎服而愈
一婦蒼白不肥不瘦年逾五十病舌尖痛三年延勞喉中
熱痛或額前一掌痛早起頭暈飲食無味胸膈痞悶整
用消導清熱之藥不効予診右脉濡散無力而緩左脉
比右頗勝亦近無力十五年前哭子忒甚遂作憂思傷
脾哭泣傷氣後東垣勞倦傷脾之例用參芪各錢半白

米芍藥天麻各二錢川芎玄參各七分甘草枳實各五分黃柏陳皮各六分煎服而愈

楊梅瘡

一人色蒼黃瘦年三十餘病遍身惡瘡因服輕粉而脚拘攣手指節腫額前神庭下腫如雞卵大方士令服孩兒骨其法取初生孩兒置磚地上周以炭火煬使死孩成灰紙裹放地上出火毒爲末空心或酒或湯調服二三錢謂能補也邀予診視脉皆濡緩而弱予曰病已三年毒已盡矣但瘡潰膿血過多以致血液衰少筋失所養故脚爲之拘攣况手指節間頭上額前皆血少運行難到之處故多滯而成腫理宜潤經益血行滯散腫今服孩骨猛火炮炙燥烈殊甚且向所服輕粉性下燥烈丹溪曰血難成易虧今外彼瘡膿所涸內被燥劑所燻以

難成易虧之血曷能當此內外之耗乎不惟腫不能消
殆必壽亦損也問曰本草輕粉辛冷何謂燥烈予曰本
草註云硃砂伏火者大毒殺人水銀乃火煨硃砂而成
其性滑動走而不守氣味俱陽後可知矣陽屬熱火故
毒比硃砂爲甚入耳蝕腦入肉百節拘攣也然輕粉又
水銀和入皂礬再加火煨而成是爲陽中之陽又復資
以礬之燥烈非大毒燥烈而何又問此瘡從何而生予
曰肝屬風而急暴腎屬水而主液爲相火所寄淫夫淫
婦擾動厥陰之火泄其腎水既無以制火之衝逆而反
以爲相火之助經曰火自水中起是也故腎之液皆被
火鬱成痰濁痰瘀血流注莖頭發爲女瘡久而毒熱不

解復干兩腿厥陰經分又生惡瘡以其瘡狀類楊梅故
俗名爲楊梅瘡亦有如豌豆者由其毒有微甚也旬日
之間延及遍躰者以厥陰屬風而急暴又得相火以爲
之助宜其發之暴且速也初生之時躰氣壯大便堅飲
食進惟防風通聖散爲最宜躰氣弱大便溏飲食少則
用四物加玄參連翹射干爲主大便稍泄除射干上躰
多者黃芩或防風爲佐下躰多者黃柏或干膝爲佐引
以皂角針之鋒銳和以甘草節之甘緩却厚味絕房帷
隨症出入服之久久無有不安或有惡湯藥者壯盛之
人則以三補丸加大黃生地用猪膽汁丸服怯弱之人
則以三補丸加玄參生地亦用猪膽汁丸服似亦簡便

世人欲求速効皆用輕粉濕痰被劫三五日間瘡因暫愈然燥熱尚在不越一旬二旬瘡又復作翻思前藥又劫又愈愈又復發展轉不休殊不知用一次劫藥增一次燥熱由是肢躄或癰潰或攣曲遂成痼癢論語欲速不達厥有旨哉又問何以能相染也予曰其人內則素有濕熱外則表虛腠踈或與同廁而爲穢氣所蒸或與共床而爲瘡汁所漬邪氣乘虛而入故亦染生此瘡經曰邪之所湊其氣必虛是也亦有同廁同床而不染者蓋由內無濕熱之積外無表虛踈腠之患是以邪不能入而瘡不相染矣雖然子之所慎齋戰疾然亦不可自恃而不加之意也又問已悞于藥悔不可追今將何藥

以解之手時正仲夏子用十全湯去桂附加紅花牛膝黃栢薏苡仁木香火麻仁羌活煎服百貼空心常服東坡四神丹加黃栢又少加蜀椒以其能乘水銀然後脚神能行指腫亦消惟額腫傳膏而愈○一人患此瘡脚膝牽痛有人取蝦蟇治如食法令食之而牽痛遂愈此亦偶中也○又一人患此瘡脚痛而腫或令採馬鞭草煎湯薰洗湯氣繞到便覺爽快候溫洗之痛腫隨滅此草在處有之檻外空地尤多其葉類菊春開細碎紫花秋復再花抽穗如馬鞭故名馬鞭草○又一人患此通身筋骨疼痛遇一道流問曰神色憔悴有病耶曰因瘡遍身痛也道流曰輕粉多矣吾亦被其毒矣遂示一方

不過數味藥也但每貼入鉛五錢打扁同煎服之果驗
凡患此瘡年久不愈者用草薺二兩為君隨症虛實
加入他藥罔有不効蓋草薺善驅濕熱故也

人年三十餘因患此瘡服輕粉致右腹肋下常有痞塊
右眼黑珠時有丁子努出如雀屎許間或又消身有數
瘡未痊一盞為治瘡毒而用硝黃一盞為治痞塊而用
攻剋一盞為治眼丁而用寒涼諸症不減反加腹痛腸
鳴大便滑泄胸膈壅悶不思飲食噎氣吐沫身熱息倦
夜卧不安季冬請予往視脉皆浮濡近駛曰誤於藥也
前藥多係毒劑胃中何地此物耶遂令棄去更用人參
四錢黃芪二錢白朮三錢茯苓炒芍藥各一錢陳皮神

曲升麻各七分甘草茵苳各五分煎服五貼為泄瀉
定減去升麻又服五貼膈寬食進或去苳苳再服五貼
諸症皆除月餘痞塊亦散眼丁亦消

肺癆

一婦年近三十形色瘦白素時或咳嗽一二声月水或前
或後夏月取涼遂嗽甚不能伏枕者月餘痰中或帶血
或兼膿嗽緊則吐食盞用苓連二陳不効復用參芪等
補藥病重予視左脉浮滑右脉稍弱而滑幼傷手躡掌
不能伸右脉似難憑矣乃以左脉驗之恐妊兼肺癆也
遂以清肺泄肺之劑進之三服而能着枕痰不吐膿不
咯惟時或惡阻予曰此妊之常病也教用薏苡仁白朮

茯苓麥門冬黃芩阿膠煎服病減月餘復為診脈皆稍
緩而浮曰熱已減矣但吐紅太多未免傷胃教用四君
子加陳皮黃芩枳壳煎服調理姙至八月食雞病作却
雞而愈至九月病又復作嘔令服之里便獲安予曰產
後病除乃是佳兆病若復來非吾所可知月足而產脾胃
病作加泄而卒

脚瘡

一婦瘦長面紫每遇春末夏初兩脚生瘡膿泡根紅艱于
行步經水不調邀予診視脈皆濡弱近駛兩尺稍滑曰
血熱也豈用燥劑居多故瘡不瘥合用東坡四神丹加
黃栢蜜丸服之瘡不復作

瘡腫

邑庠司訓余先生年發六十長髮色蒼通福建考試官回

病背腿瘡腫一腫愈一腫作小者如蠶大者如鍾繼續

不已俗曰流注是也蓋皆欲爛十宣散五香湯托裏散

予為診之脉皆濡弱曰此非前藥所宜也夫以血氣既

衰之年胃暑遠步熱瘴之地勞傷形熱傷氣矣經云邪

之所湊其氣必虛理宜滋補使氣運血行腫不作矣遂

用大補湯減桂倍加參芪略木佐以黃栢黃芩紅花膠

至二三十點視腫稍軟者用此法去其膿未成者果皆

消釋仍服二三十點以防後患

一入肥短紫淡年逾三十因勞感濕兩腿膝間結核痛甚

遂用蒜片艾炙艾針大敦三陰交又以藥水洗之遂致
陰囊腫脹如升重皮腫如水泡復進人參敗毒散者不
中病邀予往診脉皆濡緩而弱畧駁曰此濕氣乘虛而
入鬱而爲熱成結核也理宜補中行濕可免後患月餘
左腿內廉厥陰經分腫痛如梳惡寒發熱復用蒜炙六
日後腫潰膿出躄倦頭面大汗手足麻木瘡下又腫如
按寒熱大作始信予言用人參三錢黃芪三錢白水錢
半歸身尾牛膝茯苓各一錢青皮黃柏各七分甘草節
五分煎服五六貼右額羊矢穴分腫痛長五寸許亦作
寒熱盜謂補塞太過欲改前方彼言汪君已有先見所
製之方必不悞我銳意服之月餘腫皆膿潰成痂而愈

惟左脚委中筋急短縮艱于行步彼疑爲變遣書來問
予曰膿血去多筋失所養故也藥力足日當不變矣果
果驗後覺陰囊腫繼他盜加苗香吳茱萸治疝等藥不
効予適至彼令守前方減去治疝等藥加升麻一錢服
一二貼囊即縮矣乃語予曰先生神盜也乃詳告吾病
原乎予曰經云營氣不從逆于肉理乃生癰腫又云受
如持虛蓋謂氣餒行遲血少留滯則阻逆肉理乃作瘡
腫也又則鬱而爲熱化肉腐筋而成膿矣腫在厥陰雖
曰多血亦難供給日之所耗夜之所損故邪乘虛留結
不散如持虛器而受物也身之血氣如風與水風疾水
急則頽陂潰隄莫有能禦之者也風息水細則砂障石

壅多有所阻礙矣故今補其氣血使氣壯而行健血盛而流通又何腫之不散結之不行哉彼曰理也

疝腫

一兒八歲癩疝陰囊腫脹核有大小予令燒荔枝核灰面香炒爲末等分食遠溫酒調服二錢不過三服

一兒六歲陰囊脹大如盞莖皮光腫如泡一盞爲之滲濕行氣不効邀予診視脉皆濡緩曰脉緩無力者氣虛也經云膀胱者津液之府氣化出爲氣虛不足無能運化而使之出矣宜升陽補氣可也遂以人參爲君黃芪白木茯苓爲臣牛膝升麻陳皮爲佐甘草稍爲使煎服一二貼囊破腫消三貼全愈

調經

一婦瘦小年二十餘經水紫色或前或後臨行腹痛惡寒喜熱或時感寒腹亦作痛脉皆細濡近滑兩尺重按畧洪而滑予曰血熱也或謂惡寒如此何得爲熱曰此熱極似寒也遂用黃連酒煮四兩香附歸身尾各二兩五靈脂一兩爲末粥丸空腹吞之病退

一婦身瘦面黃舊有白帶產後憂勞經水不止五十餘日間或帶下心前熱上身麻下身冷背心脹口鼻乾額角冷小便頻而多大便澹而少食則嘔吐素厭肉味遣書示病如此予曰雖未見脉詳其所示多屬脾胃不足令服四君子湯加黃芪陳皮神麩歸身二貼紅止白減復

以書示曰藥其神乎繼服十餘貼諸症悉除

一婦經行瀉三日然後行診其脉皆濡弱曰此脾虛也脾屬血屬濕經水將動脾血已先流注血海然後下流爲經脾血既虧則虛而不能運行其濕故作參苓白朮散每服二錢一日米飲調下二三次月餘經行不瀉矣

一婦產後經行不止或紅或白或淡病逾八月面色黃白性躁頭眩脚軟盜用參芪補藥病益加用止瀉藥無効邀予診之右脉濡弱無力左脉畧洪而駛曰右脉弱者非病也左脉徧盛遂覓右脉弱耳宜主左脉治以涼血之劑遂以生地白芍白朮各一錢黃芩阿膠歸身各八分陳皮香附川芎椿根皮茯苓各六分柴胡甘草各五

分煎服二十餘貼而愈

一婦形長質脆面色黃白孀居十餘年平素食少內外俱勞年五十二歲二月忽血崩若左手竟熱崩則又甚益用苦寒黑灰涼血止血之劑益劇更用膠艾湯少愈偶因子病住藥月餘後服前湯崩則日少夜多七月盡來就予治右脉浮軟頗大左脉軟小而緩獨左尺尤近微弱予謂左脉主血得此與病相應右脉主氣今診得浮軟此乃脾胃氣不足也蓋脾具坤靜之德而有乾健之運虛則不能健運其血矣胃氣者陽氣也陽主升舉虛則不能升舉其血矣經曰陽病竭而下者此也又曰陽病治陰陰病治陽正其血氣各守其鄉其治此病之謂

歛今氣不能健運升舉以致血崩法當治陽世盜昧此
但知血熱則行逢冷則疑逢寒則止故用苦寒黑灰之
劑殊不知苦以泄胃寒則降下故經曰苦傷氣寒傷血
安能治其崩哉蓋脾胃屬土惡濕喜溫畏寒理宜其溫
養其脾則熱自除氣自運而血隨氣各歸其經矣東垣
曰溫能除大熱經曰形不足者溫之以氣又曰氣生形
又曰氣固形實形主血言又曰陽氣者精則養神柔則
養筋故古人治血多用養氣豈無所本哉血逢黑則止
但可以治標耳經曰胃者五藏之本苟不固本未免止
而復發况其所病或勞或怒或惡食而崩愈甚此蓋由
脾胃不足不勝其勞怒也遂用參芪各四錢歸朮各一

錢甘草厚朴各五分炒蒲黃阿膠各七分煎服十餘貼
崩則晝止夜來夫夜則陰旺陽衰陽不足以攝血故也
再以棕皮五倍子蓮蓬燒灰加阿膠蒲黃粥丸臨晚服
而夜亦止但清水常流大便結燥小便日無夜有又用
潤麻丸加水通車前空心吞之然腰與小腹及脚腿皆
痛胸膈不寬予適出月餘歸診脉皆沉細而數予曰數
脉所主爲熱其症爲虛脉與向日不同而症反尙虛者
多因久服前藥失于加減故藏府習熱而病反見化于
藥矣令暫止藥乘轎歸家登山度嶺加以應接人事勞
而又勞越三日血大崩約一桶許昏憒而氣息奄奄良
久稍甦是夜又崩二三碗許仍復昏憒予往視之脉仍

沉細而數予曰五十以後血氣大脫實難求生但不忍坐視其斃耳乃用大劑參芪各七錢歸地姜附各一錢甘草五分煎服二三貼脉數畧減頭痛昏弱腰脚腿痛亦愈曰則胸膈似煩至夜亦愈但小腹時澆微痛清水常流不絕經曰衝脉者經脉之海主滲谿谷與陽明合于宗筋會于氣街而陽明爲之長皆属于帶脉故陽明虛則衝脉失養不能滲灌氣化爲水而下流矣待其胃氣稍完則清者運而爲津液濁者滲而爲小便而水或可止也經曰壯者氣行則愈是矣若遇嚴寒又澆小腹腰脚腿痛者亦由陽虛不禦其寒故也天地稍和又不澆矣予曰病湏少愈然血氣虛脫來春恐無以資生發

之氣耳至春果洞瀉而沒

丹溪曰氣病補血湏不中亦無所害血病補氣則血愈虛散是謂誅罰無過今病血病而治以參芪寧不犯丹溪之戒乎予曰李貴疎通不可執泥丹溪又曰衝任二脉爲經脉之海二脉無損則血氣之行外循經絡內榮五藏若勞動過極損傷二脉則衝任氣虛不能約制其血故忽大下謂之崩中治宜舉養脾胃大補氣血丹溪治血河常不歸于氣虛而養脾胃也東垣亦曰血脫益氣古聖人之法也先理其胃以助生發之氣諸甘藥爲之先務蓋其能生血此陽生陰長之理故先助胃氣且人之身納谷爲宝予考聖經

前賢所治血病未嘗專主于治血而不養氣要在臨病識耳耳須然此固不免于死所以得遲延而無苦楚者恐亦由于藥力也因筆之幸同志者考其得失一婦年逾四十形長色脆病經不調右脉浮軟而大左脉虛軟而小近駛嘗時經前作泄今年四月感風咳嗽用湯洗浴汗多因泄一月六月復因洗浴發瘡六七次瘡須止而神思不爽至八月盡而經水過多白帶時下瀉泄遂竟右脚疼痛舊曾閃肭脚跟今則假此延痛臀腿腰脇尾骨脛項右邊筋皆掣痛或咳嗽一声則腰眼痛如刀扎日輕夜重叫號不已幸痛稍止飲食如嘗今詳月水過多白帶時下日輕夜重瀉泄無時亦屬下多亡

陰宜作血虛論治然服四物止痛之劑益甚九月予復診視始悟此病乃合仲景所謂陽生則陰長之法矣夫經水多白帶下常瀉泄皆由陽虛陷下而然命曰陽脫是也日輕夜重蓋日陽旺而得健運之職故血亦無凝滯之患而日故輕也夜則陰旺而陽不得其任失其健運之常血亦隨滯故夜重也遂以參朮助陽之藥煎服五七貼痛減此亦病症之變治法殊常故記之

一婦年二十一歲六月經行腹痛如刮難忍求死脉得細軟而駛尺則沉弱而近駛予曰細軟屬濕數則爲熱尺沉屬鬱此濕熱鬱滯也以酒煮黃連半斤炒香附六兩五靈脂半炒半生三兩歸身尾二兩爲末粥丸空心湯

下三四錢服至五六料越九年得一子又越四年經行
兩月不斷腹中微痛又服前丸而愈續後經行六七日
經止則流清水腹中微痛又服前丸而痛亦止又經住
只有七八日若至行時或大行五六日續則適來適斷
或微紅或淡紅紅後嘗流清水小腹大痛漸連遍身胸
背腰腿骨裡皆痛自己至酉乃止痛則遍身冷熱汗大
出汗止痛減尚能飲食自始痛至今歷十五年前藥屢
服屢効今罔効者何也予在休寧率口其母伴女荷轎
至彼就豎脉皆洪滑無力幸其尚有精神予曰此非舊
日比矣舊乃鬱熱今則虛寒東垣曰始為熱中終為寒
中是也經曰脉至而從按之不鼓乃陰盛格陽當作寒

治且始病時而形斂小今則形肥大矣豎書曰瘦人血
熱肥人氣虛豈可同一治耶所可慮者汗大泄而脉不
為汗衰血大崩而脉不為血減耳其痛日重夜輕知由
陽虛不能健運故亦凝滯而作痛以症參脉宜用助陽
若得脉減痛輕方為佳兆遂投參芪歸朮大劑加桂附
一貼來早再診脉皆稍寧隨即回宅服至二三十貼時
當二月至五月予適往城視之病且愈矣蓋病有始終
寒熱之異藥有前後用舍不同形有少壯肥瘦不等豈
可以一方而通治哉後聞乳有隱核數枚彼時失告于
予訪之外科婦罪於多服參芪而然殊不知肥人氣虛
多滯若能久服前藥不惟乳無隱核縱有亦當消矣多

因病退却藥血氣未充故氣滯血凝而成此核經曰杜者氣行則愈是矣予以書喻抵恐一齊傳衆楚咻莫能回其惑也

一婦每臨經時腰腹脹痛玉戶淫淫虫出如鼠粘子狀綠色者數十枚後經水隨至其夫問故予曰厥陰風木生虫婦人血海屬於厥陰此必風木自甚兼脾胃濕熱而然也正如春夏之交木甚濕熱之時而生諸虫是也宜清厥陰濕熱耶令以酒煮黃連爲君白朮香附爲臣研末粥丸空腹吞之月餘經至無虫而妊矣

一婦形質瘦小面色近紫產後年餘經水不通首夏忽病嘔吐手指麻痺拳拳不能伸展声音啞小噦不出聲豎皆視爲風病危之予診脉皆細微近滑曰此妊娠惡阻病也衆謂經水不通安有妊理予謂天下之事有常有變此乃事之變也脉雖細微似近于滑又尺按不絕乃妊娠也遂以四君子加二陳治之諸症俱減尚畏粥湯惟食乾糕香燥之物而有生意

出部脉

一婦年逾四十形色頗實常患產難倒生經水不調或時遍身骨節疼痛食少倦怠自汗予爲診之兩手脉皆不應惟右關輕按隱隱然微竅動也疑脉出部以指尋按經渠列缺穴分亦不應余甚怪之乃叩其夫曰有孕時豎診亦言無脉後服八物湯幸爾易產而得一子予曰

此由稟賦本來脉不應也無足怪焉可見天下事變出無窮果難一一以常理惻也如脉經所謂但道其常而已兩手無脉不傷其生又不妨于胎妊豈脉經所能論及耶脉或兩手出部或一手出部予見多矣兩手無脉而人如故此亦理之所無事之大變故筆記

一婦有病請予診之右脉緩濡而弱左手無脉再再尋之動于腕臂外廉陽谿偏歷之分乃語之曰左脉離其部位其病難以脉知以右脉言之似属于脾胃不足也尚當言其病焉告曰每遇經未行前咯血數口心嘈不安食少懶倦予以四君子湯加山枝陳皮麥門冬牡丹皮煎服數貼而安

予常考孫兆診一釋者左脉出部動于臂上曰此巽脉也鑿書不載脉行常道豈有移易或者少年驚撲震動心神故脉脫故道耳年既長大血氣已定不能復移也僧曰果如所言予詢此婦未嘗得驚而脉如是可見亦由于稟賦也後在歙之江村診得兩手脉俱出部者數人或左或右一手脉出部者尚多信行診一婦人兩手脉亦出部凡此皆事變無窮理之莫測豈皆由于驚動哉

夫此須非經水之病因其脉類前案故錄于此

妊病

一婦懷妊八月嘗病腰痛不能轉側大便燥結鑿用人參等補劑痛益加用硝黃通利之藥燥結雖行而痛如故

予爲診之脉稍洪近駛曰血熱血滯也宜用四物加木香乳沒黃柏火麻仁煎服四五貼痛稍減燥結潤復加發熱面赤或時惡寒仍用前方去乳沒黃柏加柴胡黃芩服二貼而寒熱除又背心澆寒腰痛復作予曰血已利矣可于前方加人參一錢服之獲安

一婦嘗患橫生逆產七八胎矣子皆不育予診脉皆細濡頗弦曰此氣血兩虛兼熱也或曰氣血有餘方成妊娠氣血既虧安能胎耶予曰觀其形長瘦而脉細濡屬于氣血兩虛色青脉弦屬于肝火時熾而兩尺浮滑似血虛爲輕而氣虛爲重也宜以補陰丸除陳皮倍加香附參芪蜜丸服之常令接續踰年臨產果順而育一子

產後

一婦產後滑泄勺水粒米弗能容即時泄下如此半月餘矣衆皆危之或用五苓散平胃散病益甚邀予診之脉皆濡緩而弱曰此產中勞力以傷其胃也若用湯藥愈滋胃濕非所宜也令以參苓白朮散除砂仁加陳皮肉豆蔻煎姜棗湯調服旬餘而安

一婦產後時發昏瞶身熱汗多眩暈口渴或時頭痛惡心盪用四物涼血之劑病不減復用小柴胡病益甚予爲診之脉皆浮洪搏指予謂產後而得是脉又且汗多而脉不爲汗衰法在不治所幸者氣不喘不作泄耳其脉如是恐爲涼藥所激也試用人參三錢黃芪二錢甘草

當歸各七分白朮門冬各一錢乾姜陳皮黃芩各五分煎服五貼脉歛而病漸安

小兒驚癇

一女年六歲病左手不能牽動三年矣後復病癇初用人參半下或効或否予診左脉浮洪右脉頗和曰痰熱也令以帛勒肚取茶子去壳三錢按碎以滾湯一碗瀝取汁隔宿勿食早晨溫服吐痰如大蒜辨者三枕許手能牽動癇亦不作

予孫應達初生未滿一月乳媪抱之懷間往觀春戲時風寒甚切及回即啼不乳時發驚搐始用蘇合香繼用驚搐藥不効衆皆危之予曰小兒初生血氣未足風寒易

襲此必風邪乘虛而入也風喜傷脾土主四肢脾受風擾故四肢發搐日夜啼叫不乳經曰風淫末疾是也其治在脾土不虛則風邪無容留矣因煎獨參湯初灌二三匙啼聲稍緩再灌三五匙驚搐稍定再灌半酒盃則吮乳漸有生意

泄瀉

一孩孟秋泄瀉晝夜十數度亟用五苓散香薷飲胃苓湯加茵豆蔻罔有効者予曰此兒形色嬌嫩外邪易入且精神怠倦明是胃氣不足而爲暑熱所中胃虛挾暑安能分別水谷今專治暑而不補胃則胃愈虛邪亦着而不出經曰壯者氣行則愈怯者着而成病是也令濃煎

人參湯飲之初服三四匙精神稍回再服半酒盃瀉泄
稍減由是節次服之則乳進而病脫

石山醫案卷之中終

